

**TERMA DAN SYARAT KHUSUS BAGI  
AKAUN SEMASA-i DAN AKAUN SIMPANAN-i  
BERASASKAN KONSEP TAWARRUQ  
(Tarikh Berkuatkuasa 25 Mac 2024)**

Terma dan Syarat Khusus yang dinyatakan di sini akan diguna pakai bagi kesemua produk Akaun Semasa-i dan Akaun Simpanan-i (CASA-i) yang berasaskan konsep Syariah *Tawarruq* yang ditawarkan oleh Bank. Produk-produk ini adalah tertakluk di bawah undang-undang Malaysia yang terpakai dan prinsip-prinsip Syariah.

Terma dan Syarat Khusus ini hendaklah dibaca bersama dengan Terma dan Syarat Am bagi CASA-i. Kesemua definisi yang digunakan dalam Terma dan Syarat Am akan mempunyai maksud yang sama apabila digunakan di dalam Terma dan Syarat Khusus ini.

Bank dan Pelanggan dengan ini bersetuju dan mengakui bahawa pada tarikh tersebut, Terma dan Syarat Khusus ini, struktur asas di sini dan Perdagangan Komoditi adalah patuh Syariah. Sehubungan itu, setiap pihak bersetuju bahawa ia tidak akan menimbulkan sebarang pertikaian atau isu berhubung dengan pematuhan Syariah di dalam Terma dan Syarat Khusus ini serta transaksi Perdagangan Komoditi.

Terma dan Syarat Khusus ini adalah tambahan kepada Terma dan Syarat bagi setiap jenis produk/ akaun yang terdapat dalam Terma & Syarat Am. Sekiranya terdapat sebarang percanggahan, kecaburan atau pertikaian dalam tafsiran Terma dan Syarat Khusus ini dan Terma dan Syarat yang dinyatakan bagi setiap jenis produk / akaun yang terdapat dalam Terma & Syarat Am, Terma dan Syarat Khusus tersebut bagi setiap produk/ akaun akan diguna pakai.

## 1.0 AM

**1.1** Produk CASA-i ini beroperasi berdasarkan konsep Syariah *Tawarruq* di mana Pelanggan melantik Bank di bawah kontrak *Wakalah*, sebagai ejennya untuk membeli Komoditi daripada mana-mana peniaga komoditi dan menjualnya kepada Bank di bawah kontrak *Murabahah/ Musawamah* melalui pembayaran secara tangguh.

Di bawah aturan ini;

- Bank bertindak sebagai Ejen akan membeli Komoditi bagi pihak Pelanggan pada Harga Belian Komoditi yang bersamaan dengan jumlah yang didepositkan dengan Bank;
- Selepas itu Bank akan membeli Komoditi daripada Pelanggan pada Harga Jualan yang akan dibayar kepada Pelanggan pada tarikh matang;
- Bank kemudiannya menjual Komoditi pada pihak ketiga.

**1.2** Pelanggan yang memohon untuk membuka produk CASA-i dengan Bank adalah tertakluk kepada Terma & Syarat Khusus ini yang mengawasi operasi produk CASA-i dan berkuatkuasa dari semasa ke semasa.

**1.3** Terma & Syarat Khusus ini juga bertujuan untuk dibaca bersama dengan risalah-risalah, brosur-brosur atau mana-mana Terma & Syarat berkaitan yang dikeluarkan oleh Bank yang mana mungkin berubah dari semasa ke semasa mengikut jenis akaun yang dibuka oleh Pelanggan.

## 2.0 PERBADANAN INSURANS DEPOSIT MALAYSIA ("PIDM")

**2.1** Produk ini dilindungi oleh Perbadanan Insurans Deposit Malaysia ("PIDM") setakat RM250,000.00 bagi setiap pendeposit dan tertakluk kepada versi terkini garis panduan PIDM dan termasuk apa jua pindaan berkanun atau penubuhan semula.

## 3.0 DEFINISI

Di dalam Terma dan Syarat Khusus ini, perkataan-perkataan berikut mempunyai maksud seperti yang berikut:-

**'Akaun'** bermaksud akaun atau CASA-i para Pemegang Akaun yang dibuka dan diselenggarakan dengan pihak Bank yang mana tertakluk oleh Terma dan Syarat Am untuk CASA-i.

**"Bai' Al-Sarf"** merujuk kepada kontrak pertukaran wang untuk matawang jenis yang sama atau berbeza.

**"Bank"** bermaksud MBSB Bank Berhad (No. Pendaftaran: 200501033981) (716122-P), termasuk hak terdahulu, pengganti hak milik dan penerima serah hak.

**"Keuntungan Sebenar"** merujuk kepada keuntungan terakru yang dikira pada Kadar Keuntungan Efektif yang dikreditkan ke dalam akaun CASA-i Pelanggan secara berkala sebagai sebahagian daripada penyelesaian Harga Jualan.

**"Ejen"** bermaksud pihak Bank yang dilantik oleh Pelanggan bagi melaksanakan semua tindakan tertentu bagi pihak Pelanggan di bawah kontrak *Wakalah* dalam perkara-perkara berhubung dengan *Tawarruq* selaras dengan terma dan syarat di bawah.

**"CASA-i Tawarruq"** bermaksud Akaun Semasa-i atau Akaun Simpanan-i yang berasaskan konsep *Tawarruq* yang ditawarkan oleh Bank dari semasa ke semasa termasuk dan tidak terhad kepada Akaun Semasa Asas-i, Akaun Semasa PrimeRich-i, Akaun Semasa PrimeWin-i, Akaun Simpanan Wise Saver, Akaun Simpanan M-Junior-i, Akaun Simpanan Cash Rich-i, Akaun Simpanan PrimeWin-i, Akaun Pembinaan Perumahan-i dan Akaun Simpanan Berperingkat-i.

**"Keuntungan Siling"** merujuk kepada keuntungan siling yang dikira pada Kadar Keuntungan Siling yang merupakan suatu komponen keuntungan di dalam Harga Jualan.

**"Kadar Keuntungan Siling ("KKS")** merujuk kepada kadar yang digunakan untuk mengira Keuntungan Siling Harga Jualan.

**"Pelanggan"** bermaksud pelanggan Bank di mana permohonan CASA-i *Tawarruq* telah diterima oleh Bank dan CASA-i *Tawarruq* tersebut diselenggarakan dengan Bank.

**"Komoditi"** bermaksud barang dan/atau komoditi yang patuh Syariah (tidak termasuk item *ribawi* di dalam kategori medium pertukaran seperti mata wang, emas dan perak) yang boleh diterima oleh Bank, dibeli melalui mana-mana platform peniaga komoditi yang dilantik oleh Bank dan diluluskan oleh Jawatankuasa Penasihat Syariah Bank yang akan dikendalikan sebagai aset pendasar bagi memudahkan transaksi *Tawarruq*.

**"Perdagangan Komoditi"** bermaksud urus niaga jual beli selaras dengan prinsip Syariah *Tawarruq*.

**"Deposit Bersih Harian ("DBH")** merujuk kepada baki penghujung hari pada mana-mana hari, tidak termasuk apungan dan hanya mewakili perbezaan positif deposit harian tolak pengeluaran harian.

**"Kadar Keuntungan Efektif ("KKE")** merujuk kepada kadar keuntungan sebenar yang digunakan untuk mengira jumlah keuntungan terakru dan pengreditan keuntungan.

**"Hamish Jiddiyah"** merujuk kepada Deposit Sekuriti (DS) yang diletakkan untuk menjamin akuanji untuk membeli aset sebelum perlaksanaan kontrak perjanjian jual beli. Di bawah asas *Tawarruq*, DS yang diletakkan oleh Bank adalah untuk menjamin akuanji membeli Komoditi daripada Pelanggan. Ia hanya terpakai sekiranya terdapat sebarang aramaun DBH di hari terakhir pada bulan tersebut di mana pembelian Komoditi hanya akan dilaksanakan pada hari berikutnya.

**"Tarikh Matang"** merujuk kepada 31<sup>hb</sup> Disember tahun semasa di mana Transaksi Jualan dilaksanakan.

**"Murabahah"** merujuk kepada jual dan beli Komoditi di mana kos pemerolehan dan margin keuntungan dinyatakan kepada pembeli.

**"Musawamah"** merujuk kepada jual dan beli komoditi di mana kos pemerolehan dan margin tidak dinyatakan kepada pembeli.

**"Harga Belian"** merujuk kepada sejumlah amaan yang bersamaan dengan DBH dan/atau Jumlah Baki Keseluruhan yang mana akan digunakan untuk membeli Komoditi pada Tarikh Belian.

**"Transaksi Belian"** merujuk kepada apabila Pelanggan membeli Komoditi (melalui Bank yang bertindak sebagai Ejen mereka) daripada peniaga komoditi pada Harga Belian.

**"Hari Pengkreditan Keuntungan"** merujuk kepada hari apabila jumlah keuntungan terakru bagi suatu tempoh tertentu akan dikreditkan ke dalam akaun Pelanggan sebagai penyelesaian sebahagian daripada Harga Jualan.

**"Rebat (Ibra')"** merujuk kepada "pelepasan hak tuntutan" yang diberikan oleh seseorang kepada orang lain yang mana ia mempunyai kewajipan untuk menyelesaikannya.

**"Baki Hari"** merujuk kepada baki bilangan hari dari tarikh semasa hingga Tarikh Matang Harga Jualan.

**"Transaksi Jualan"** merujuk apabila Pelanggan menjual Komoditi (melalui Bank yang bertindak sebagai Ejennya) kepada Bank pada Harga Jualan.

**"Harga Jualan"** bermaksud sejumlah amanah yang perlu dibayar oleh Bank untuk memiliki Komoditi daripada Pelanggan berdasarkan konsep *Murabahah* yang terdiri daripada Harga Belian Komoditi dan Keuntungan.

**"Tawarruq"** terdiri daripada dua kontrak jualan dan belian di mana kontrak pertama melibatkan penjualan aset kepada pembeli secara tertunda dan jualan berikutnya melibatkan penjualan aset tersebut kepada pihak ketiga secara tunai. Melalui produk ini, Pelanggan akan membeli Komoditi pada Harga Belian daripada mana-mana peniaga komoditi dan selepas itu, menjual Komoditi kepada Bank pada Harga Jualan berdasarkan *Murabahah* yang mana akan dibayar kepada Pelanggan pada Tarikh Matang (selepas mengambil kira sebarang rebat, jika ada). Bank selepas itu menjual Komoditi tersebut kepada pihak ketiga secara tunai.

**"Notis Tawarruq"** merujuk kepada penyata tahunan yang mengandungi semua maklumat transaksi perdagangan Komoditi.

**"Tarikh Penamatatan"** merujuk kepada tarikh Pelanggan menutup CASA-i dan mengeluarkan kesemua baki.

**"Jumlah Baki Keseluruhan"** merujuk kepada jumlah baki tahun sebelumnya pada 31<sup>st</sup> Disember yang akan digunakan untuk pengiraan Harga Jualan pada setiap tahun yang baru.

**"Tarikh Dagangan"** merujuk kepada hari apabila Dagangan Komoditi dilaksanakan dari Isnin hingga Ahad dan di mana platform perdagangan komoditi dibuka untuk dagangan.

**"Wakalah"** bermaksud kontrak di mana satu pihak memberi kebenaran kepada pihak yang lain sebagai Ejennya untuk melaksanakan tindakan tertentu bagi hal-hal yang boleh diwakilkan secara sukarela atau dengan mengenakan bayaran.

**"Wa'd"** bermaksud janji atau akuanji, merujuk kepada ekspresi komitmen yang diberikan oleh suatu pihak kepada pihak yang lain untuk melaksanakan tindakan tertentu pada masa akan datang.

#### 4.0 PERLANTIKAN SEBAGAI EJEN

4.1 Berdasarkan konsep *Wakalah*, Pelanggan (bertindak sebagai "Prinsipal") bersetuju untuk melantik Bank (bertindak sebagai "Ejen") dan Bank bersetuju untuk menerima pelantikan itu sebagai Ejen Pelanggan untuk Transaksi Pembelian dan Transaksi Penjualan urusniaga Komoditi ("Perdagangan Komoditi") mengikut Terma dan Syarat Khusus ini. Bank hanya akan bertindak sebagai ejen Pelanggan dan tidak akan menganggap, atau dianggap atau telah menganggap, sebarang obligasi tambahan atau mempunyai sebarang hubungan istimewa dengan Pelanggan selain daripada yang dibayangkan dalam Terma dan Syarat Khusus ini.

4.2 Sebagai Ejen Pelanggan, Bank dalam tempoh deposit atau mana-mana pembaharuan, mempunyai kuasa-kuasa berikut:-

- i) untuk melaksanakan dan menyempurnakan semua perkara yang berkaitan dengan pembelian Komoditi secara tunai melalui perjanjian pembelian, sijil dan lain-lain instrumen/ suratcara dan berunding dengan peniaga komoditi bagi pihak Pelanggan mengenai perkara-perkara yang berkaitan; dan

- ii) untuk menjual Komoditi bagi pihak Pelanggan secara pembayaran tertunda kepada Bank pada jumlah kos bersama keuntungan, melaksanakan dan menyempurnakan semua perkara berkaitan jualan komoditi.

4.3 Bank akan berusaha untuk memelihara kepentingan Pelanggan dengan sebaik-baiknya dan bertindak dengan ikhlas dalam melaksanakan kewajipannya untuk membeli dan menjual Komoditi mengikut keperluan Syariah. Ini termasuk melakukan pembelian dan penjualan Komoditi untuk tujuan membetulkan Perdagangan Komoditi yang tidak tepat, yang mungkin mengakibatkan Perdagangan Komoditi menjadi terbatas atau dibatalkan dan selepas itu diperbetulkan dengan Perdagangan Komoditi yang baharu.

4.4 Pelanggan boleh memohon dan mengambil milikan fizikal Komoditi. Sekiranya Pelanggan menggunakan hak tersebut untuk mengambil penyerahan fizikal, semua kos dan perbelanjaan yang berkaitan hendaklah ditanggung oleh Pelanggan.

4.5 Pelanggan melindungi Bank terhadap semua kerugian, tindakan, prosiding, kerosakan, kos dan perbelanjaan yang ditutut oleh mana-mana pihak dan/ atau ditanggung atau dialami Bank akibat pembelian Komoditi di bawah transaksi di sini sebagai Ejen kepada Pelanggan atau pelanggaran oleh Pelanggan terhadap mana-mana tanggungjawab mereka di sini. Ganti rugi yang diberikan akan berkekalan walaupun Terma & Syarat Khusus ini telah ditamatkan dan setiap jumlah yang dibayar tidaklah tertakluk kepada apa-apa potongan sama ada dengan cara menolak tuntutan balas atau sebaliknya.

4.6 Pelanggan tidak boleh membatalkan pelantikan Bank sebagai Ejen selagi akaun CASA-i masih wujud. Pelantikan Bank sebagai Ejen Pelanggan adalah terhenti dengan penutupan akaun tersebut.

4.7 Bank tidak tertakluk untuk memasuki sebarang transaksi atau mengikut sebarang arahan daripada Pelanggan, jika dengan memasuki urus niaga tersebut, Bank dan gabungannya akan terdedah kepada pelanggaran mana-mana undang-undang, dasar, syarat atau peraturan di Malaysia yang terpakai.

4.8 Perlantikan sebagai Ejen akan ditamatkan semasa pengeluaran penuh di mana, Harga Jualan akan dipercepatkan dan pihak Bank hendaklah membayar baki Harga Jualan iaitu amanah deposit dan sebarang keuntungan terakru (jika ada), dengan mengambil kira sebarang rebat, jika ada, kepada Pelanggan pada Tarikh Penamatan.

#### 5.0 TRANSAKSI DAGANGAN KOMODITI

5.1 Sebagai Ejen Pelanggan, Bank hendaklah memasuki Transaksi Pembelian seperti yang ditetapkan Bank seperti berikut;

- i) Bank hendaklah menjalankan urus niaga *Tawarruq* pada Hari Dagangan yang jatuh pada hari berikutnya selepas tarikh penempatan deposit, tertakluk kepada amanah DBH; dan
- ii) Bank hendaklah menjalankan urus niaga *Tawarruq* pada Hari Dagangan yang jatuh pada hari berikutnya pada setiap setiap tahun baru pada Jumlah Baki Keseluruhan.

5.2 Sekiranya Tarikh Dagangan lewat daripada tarikh Harga Belian yang dibayar kepada Bank, Harga Belian akan dianggap sebagai *Qard* (pinjaman) kepada Bank sebelum Transaksi Belian. Dalam hal ini, Pelanggan memberi kebenaran kepada Bank untuk menggunakan Harga Belian dalam apa-apa cara yang dianggap sesuai oleh Bank.

5.3 Sehubungan dengan setiap Transaksi Pembelian, Bank (sebagai "Pembeli Komoditi") hendaklah memberi janji (*Wa'd*) kepada Pelanggan dan bersetuju untuk membeli semula Komoditi tersebut daripada Pelanggan apabila selesai Transaksi Pembelian.

5.4 Harga Jualan dikira berdasarkan formula berikut:

$$\text{Harga Jualan} = \text{Harga Belian} + \text{Keuntungan Siling}$$

**5.5** Harga Jualan adalah ditangguhkan kepada dua kaedah aliran tunai:

- i) Bahagian Prinsipal iaitu amaun deposit hendaklah dibayar pada setiap Tarikh Matang iaitu 31<sup>hb</sup> Disember (dan tahun-tahun berikutnya);
- ii) Keuntungan Sebenar hendaklah dibayar pada setiap bulan. Kadar keuntungan sebenar adalah berdasarkan KKE seperti di bawah:

$$\text{Keuntungan Sebenar} = \frac{\text{Baki Penghujung Hari} \times \text{KKE}}{\text{x Bilangan Hari}} / 365 \text{ atau } 366$$

**5.6** Keuntungan Siling dikira berdasarkan formula seperti berikut:-

$$\text{Keuntungan Siling} = \frac{\text{Harga Belian} \times \text{KKS}}{\text{x Baki Hari}} / 365 \text{ atau } 366$$

**5.7** Pada Tarikh Matang, Bank akan melaburkan semula Jumlah Baki Keseluruhan di dalam akaun CASA-i Pelanggan dan memasuki Perdagangan Komoditi baru untuk tempoh yang akan matang pada 31<sup>hb</sup> Disember tahun berikutnya.

#### **6.0 HAMISH JIDDIIYAH (DEPOSIT SEKURITI)**

**6.1** *Hamish Jiddiyyah* adalah merupakan amaun deposit sekuriti di mana Bank akan mengkreditkan ke dalam akaun Pelanggan pada Hari Pengkreditan Keuntungan.

**6.2** *Hamish Jiddiyyah* diberikan sebagai jaminan daripada Bank kepada Pelanggan untuk membeli Komoditi daripada Pelanggan pada setiap Tarikh Belian.

**6.3** *Deposit Sekuriti* dikira berdasarkan formula berikut:

$$\text{Deposit Sekuriti} = \frac{\text{DBH} \times \text{KKE}}{\text{x n}} / 365 \text{ atau } 366$$

Di mana;

**n** = Bilangan hari sebelum Dagangan Komoditi yang berlaku sebelum Hari Pengkreditan Keuntungan.

**6.4** *Hamish Jiddiyyah* tidak boleh digunakan oleh Pelanggan sebelum perlaksanaan Dagangan Komoditi.

**6.5** Setelah Dagangan Komoditi dilaksanakan, *Hamish Jiddiyyah* akan ditolak dengan Keuntungan Sebenar.

**6.6** *Hamish Jiddiyyah* hendaklah dikembalikan kepada Bank sekiranya Transaksi Belian tidak berlaku. Bagaimanapun, Bank boleh mengetepikan haknya ke atas *Hamish Jiddiyyah* pada keadaan tertentu seperti penutupan akaun CASA-i sebelum Dagangan Komoditi.

#### **7.0 REBAT (IBRA')**

**7.1** Pelanggan hendaklah bersetuju untuk memberikan rebat di bawah konsep *Ibra'* tertakluk kepada berlakunya peristiwa-peristiwa tertentu termasuk dan tidak terhad kepada:-

- i) Pengeluaran dana sebelum Tarikh Matang;
- ii) Semasa penamatkan akaun sebelum Tarikh Matang;
- iii) Perbezaan antara KKS dan KKE pada Tarikh Matang, memandangkan komponen keuntungan Harga Jualan adalah dikira menggunakan KKS yang melebihi keuntungan agregat semasa yang dikira menggunakan KKE berdasarkan formula berikut:

$$\text{Rebat} = \text{Agregat Keuntungan Siling} - \text{Agregat Keuntungan yang Telah Diakru}$$

**7.2** Pelanggan dengan ini bersetuju bahawa penentuan Bank terhadap sebarang amaun keuntungan yang perlu dibayar kepada Pelanggan di bawah akaun CASA-i ini adalah muktamad, konklusif dan terikat terhadap Pelanggan melainkan berlakunya kesilapan nyata.

#### **8.0 KADAR KEUNTUNGAN**

**8.1** Pembukaan akaun CASA-i adalah tertakluk kepada KKE yang

akan dimaklumkan kepada Pelanggan semasa pembukaan akaun dan akan ditentukan oleh Bank dari semasa ke semasa.

**8.2** Kadar keuntungan akan dikreditkan pada setiap bulan.

#### **9.0 NOTIS TAWARRUQ**

**9.1** Notis *Tawarruq* iaitu senarai butiran transaksi *Tawarruq* iaitu Harga Belian, Harga Jualan, jumlah keuntungan, jumlah keuntungan dikredit, jumlah rebat dan sebagainya akan disediakan di cawangan Bank (atas permintaan Pelanggan).

**9.2** Dalam hal di mana Bank terpaksa bergantung dan membuat pengesahan lisan dengan Pelanggan atau penandatangan yang diberi kuasa melalui telefon, Pelanggan bersetuju bahawa Bank diberi kuasa untuk melaksanakan, bergantung dan bertindak ke atas pengesahan/arahan melalui telefon sedemikian di mana Bank semunasabahnya mempercayai bahawa ianya berasal daripada Pelanggan jika permohonan tersebut dikemukakan oleh pihak ketiga atau diterima melalui e-mel atau faks.

#### **10.0 AM**

**10.1** Terma dan Syarat ini tertakluk ke atas semua Akaun yang dibuka dan diselenggara oleh Pemegang Akaun dengan Bank. Dengan membuka, menyelenggara dan menggunakan Akaun, Pemegang Akaun telah membaca dan menerima setiap terma dan bersetuju untuk terikat oleh Terma dan Syarat ini dan sebarang keputusan yang dibuat oleh pihak Bank.

**10.2** Tertakluk kepada peraturan dan prinsip Syariah, pihak Bank boleh mengubah, menghapus atau menambah mana-mana Terma dan Syarat yang terkandung di sini secara keseluruhan atau sebahagiannya dengan memberi sekurang-kurangnya dua puluh satu (21) hari notis bertulis terdahulu. Bank boleh memberi notis atau komunikasi bertulis tersebut melalui apaapa cara yang difikirkannya sesuai termasuk melalui pos, melalui pemberitahuan di media massa, dengan menyiaran notis di cawangan Bank, dengan memasukkan notis ke dalam penyata akaun berkala, dengan penghantaran elektronik (termasuk melalui faksimili, e-mel, telefon bimbit, peranti lain atau internet) atau dengan memaparkan di laman web Bank atau di ATM atau terminal lain di bawah kawalan Bank atau dengan cara komunikasi lain.

**10.3** Pemegang Akaun dinasihatkan untuk melayari laman web Bank dari semasa ke semasa untuk melihat Terma dan Syarat dan memastikan sentiasa mengetahui sebarang pertukaran atau perubahan kepada Terma dan Syarat.

**10.4** Semua Terma dan Syarat di dalam ini adalah tertakluk dan akan ditafsirkan mengikut undang-undang Malaysia yang terpaktai dan prinsip Syariah dan Pemegang Akaun bersetuju untuk terikat dengan kuasa Mahkamah-Mahkamah Malaysia.

#### **11.0 TERMA & SYARAT KHUSUS BAGI SETIAP PRODUK**

##### **11.1 Akaun PrimeWin-i (Simpanan & Semasa)**

**11.1.1 Keterangan:** Akaun semasa/ simpanan yang memberi peluang untuk menyertai cabutan hadiah dan berpeluang memenangi hadiah melalui cabutan bulanan, suku tahunan dan utama.

##### **11.1.2 Deposit Minima:**

Akaun Simpanan: RM100.00

Akaun Semasa: RM1,000.00

##### **11.1.3 Jenis Pemegang Akaun**

- a) Individu (sama ada tunggal, bersama atau akaun amanah)
- b) Bukan-individu (Persatuan, kelab, masyarakat, sekolah, milikian tunggal atau perkongsian)

##### **11.1.4 Syarat Umur:** 18 tahun dan ke atas

#### 11.1.5 Lain-lain

##### i) CABUTAN HADIAH

Terma dan Syarat ini hendaklah dibaca bersama dengan Terma dan Syarat Khusus untuk Cabutan PrimeWin.

##### ii) HADIAH

- a) Senarai hadiah akan dipaparkan di laman web Bank di [www.mbsbbank.com](http://www.mbsbbank.com) dan tertakluk kepada perubahan dari semasa ke semasa.
- b) Jumlah wang tunai akan dikreditkan ke dalam Akaun PrimeWin pemenang dalam tempoh empat belas (14) hari bekerja dari tarikh pengumuman oleh pihak Bank.
- c) Hadiah adalah tidak termasuk sebarang kos-kos sampingan lain contohnya caj pengangkutan dan sebagainya, melainkan dinyatakan secara nyata dalam Terma dan Syarat ini (jika ada). Pemegang Akaun bertanggungjawab untuk sebarang cukai dan/atau duti yang kena dibayar berkaitan dengan hadiah termasuk menebus, menerima atau menggunakan hadiah, jika ada.
- d) Pekerja Bank sama ada tetap / kontrak dan ahli keluarga terdekat mereka (iaitu anak-anak, suami/isteri) boleh membuka Akaun PrimeWin-i ini, namun TIDAK layak menyertai Cabutan PrimeWin.

#### 11.2 Akaun Simpanan PrimeWin Salary-i

**11.2.1 Keterangan:** Akaun simpanan untuk mana-mana pekerja yang mana majikannya mempunyai pengaturan akaun gaji dengan MBSB Bank.

**11.2.2 Deposit Minima:** Tiada

**11.2.3 Jenis Pemegang Akaun:** Individu (Akaun tunggal)

**11.2.4 Syarat Umur:** 18 tahun dan ke atas

#### 11.2.5 Lain-lain:

- i) Pemegang Akaun juga berpeluang menyertai Cabutan PrimeWin dan berpeluang memenangi hadiah cabutan bulanan, suku tahunan dan cabutan utama dalam tempoh yang ditetapkan.
- ii) Bank boleh menukar PWSSA-i kepada Akaun Simpanan PrimeWin-i Bank setelah Bank menerima pengesahan daripada majikan yang mengambil bahagian mengenai peletakan jawatan Pemegang Akaun.
- iii) Bank boleh membuat keputusan untuk menutup atau mengekalkan akaun jika tiada transaksi pengkreditan ke dalam akaun PWSSA-i untuk tempoh berterusan tidak kurang daripada tiga (3) bulan.
- iv) Dalam kedua-dua keadaan yang dinyatakan di bawah klausu b) dan c) di atas, Pemegang Akaun akan berhenti menikmati semua faedah yang ditawarkan di bawah pakej PWSSA-i.

#### 11.3 Akaun Simpanan PrimeWin FSA2-i (PWFS2SA-i)

**11.3.1 Keterangan:** Akaun simpanan untuk pengkreditan wang pengeluaran kemudahan pembiayaan peribadi di bawah Facility Sokongan Akaun 2 (FSA2) Ihsan-i.

**11.3.2 Deposit Minima:** Tiada

**11.3.3 Jenis Pemegang Akaun:** Individu (Akaun tunggal)

**11.3.4 Syarat Umur:** 40 tahun dan ke atas

#### 11.3.5 Lain-lain:

- i) Tiada Kad Debit-i akan dikeluarkan oleh pihak Bank untuk akaun PWFS2SA-i ini kecuali sekiranya diminta oleh Pemegang Akaun.
- ii) Pemegang Akaun juga berpeluang menyertai Cabutan PrimeWin dan berpeluang memenangi hadiah cabutan bulanan, suku tahunan dan cabutan utama dalam tempoh yang ditetapkan.

#### 11.4 Akaun Simpanan M-Junior-i

**11.4.1 Keterangan :** Akaun simpanan khusus untuk kanak-kanak berumur di bawah 18 tahun dan tertakluk kepada akaun yang dikendalikan oleh pemegang amanah (ibu bapa atau penjaga yang sah).

**11.4.2 Deposit Minima:** RM20.00

**11.4.3 Jenis Pemegang Akaun:** Individu (Akaun amanah)

**11.4.4 Syarat Umur:** Bawah 18 tahun

#### 11.5 Akaun Simpanan Cash Rich-i

**11.5.1 Keterangan :** Akaun simpanan yang menawarkan pulangan yang lebih tinggi.

**11.5.2 Deposit Minima:** RM100.00

**11.5.3 Jenis Pemegang Akaun:** Individu (Akaun tunggal)

**11.5.4 Syarat Umur:** 18 tahun dan ke atas

**11.5.5 Lain-lain:** Tiada

#### 11.6 Akaun Simpanan Wise Saver-i

**11.6.1 Keterangan:** Akaun simpanan asas yang menyediakan perkhidmatan perbankan asas pada kos yang minimum.

**11.6.2 Deposit Minima:** RM20.00

**11.6.3 Jenis Pemegang Akaun:** Individu (Akaun tunggal)

**11.6.4 Syarat Umur:** 18 tahun dan ke atas

**11.6.5 Lain-lain:** Tiada

#### 11.7 Akaun Simpanan Berperingkat-i

**11.7.1 Keterangan:** Akaun Simpanan Berperingkat-i ialah akaun yang mempunyai kadar pulangan berbeza untuk julat deposit yang berbeza. Jumlah deposit yang tinggi memberi kadar keuntungan yang lebih tinggi.

**11.7.2 Deposit Minima:** RM 100.00

**11.7.3 Baki Minima:** RM 50.00

#### 11.7.4 Jenis Pemegang Akaun:

- a) Individu 18 tahun dan ke atas
- b) Pemegang Akaun Bersama
- c) Individu di bawah umur lapan belas (18) tahun tertakluk kepada akaun yang dikendalikan oleh pemegang amanah (ibu bapa atau penjaga yang sah)

#### 11.8 Akaun Semasa Prime Rich-i

**11.8.1 Keterangan:** Akaun dengan kemudahan cek yang menawarkan pulangan lebih tinggi

**11.8.2 Deposit Minima:** RM1,000.00

**11.8.3 Baki Minima:** RM100.00

#### 11.8.4 Jenis Pemegang Akaun & Syarat Kelayakan:

Individu

- i) Individu berumur 18 tahun dan ke atas
- ii) Warganegara Malaysia, pemastautin dan bukan pemastautin
- iii) Pemegang Akaun Bersama

#### 11.9 Akaun Semasa Asas-i

**11.9.1 Keterangan:** Akaun dengan kemudahan cek yang menawarkan pulangan lebih tinggi

**11.9.2 Deposit Minima:** RM 500.00

**11.9.3 Baki Minima:** RM100.00

#### 11.9.4 Jenis Pemegang Akaun & Syarat Kelayakan:

- i) Individu

- a) Individu berumur 18 tahun dan ke atas
- b) Warganegara Malaysia, pemastautin dan bukan pemastautin
- c) Pemegang Akaun Bersama
- ii) Bukan individu
  - a) Pemilikan Tunggal
  - b) Perkongsian
  - c) Perkongsian Sendirian Berhad
  - d) Syarikat Perbadanan Perusahaan Kecil dan Sederhana

bertulis oleh Pemegang Akaun kepada pihak Bank. Pemegang Akaun akan dimaklumkan bahawa pihak Bank mungkin mengenakan caj perkhidmatan ke atas Akaun Semasa Mata Wang Asing tersebut.

- iv) Terma-terma dan Syarat-syarat lain yang tertakluk kepada FCA-i ini adalah seperti yang dinyatakan dalam Terma dan Syarat Umum bagi CASA-i, yang sedia ada dalam laman web MBSB Bank ([www.mbsbbank.com](http://www.mbsbbank.com)) dan cawangan-cawangannya.

*Jika terdapat sebarang pertikaian atau peranggahan di antara teks Bahasa Inggeris dan terjemahan Bahasa Malaysia ini, maka teks Bahasa Inggeris akan diterima pakai.*

[Tamat]

#### **11.10 Akaun Semasa Matawang Asing-i (FCA-i)**

##### **11.10.1 Keterangan:**

- i) Akaun semasa yang membolehkan anda menyimpan mata wang asing dan pada masa yang sama melindung nilai turun naik pasaran mata wang.
- ii) Melibatkan pertukaran mata wang asing di mana konsep Bai 'al-Sarf (pertukaran mata wang asing) digunakan untuk tukaran mata wang dari satu mata wang kepada mata wang lain yang dikehendaki. Sebagai contoh, Ringgit Malaysia kepada mata wang asing ("FCY"), FCY kepada FCY yang lain.

**11.10.2 Deposit Minima:** RM1,000.00

**11.10.3 Baki Minima:** RM100.00

##### **11.10.4 Jenis Pemegang Akaun & Syarat Kelayakan:**

Individu berumur 18 tahun ke atas, permastautin atau bukan permastautin

##### **11.10.5 Lain-lain:**

- i) **Pematuhan Dengan Notis Pertukaran Asing ("FE Notices")**
  - a) Pelanjutan pengendalian FCA-i tersebut tertakluk kepada undang-undang, peraturan-peraturan dan had-had yang ditetapkan dalam FE Notices dan arahan yang dikeluarkan oleh BNM di bawah Akta Perkhidmatan Kewangan Islam 2013 ("IFSA 2013") dan sebarang pindaannya.
  - b) Pemegang Akaun mesti memastikan semua pemindahan pembayaran dari atau ke dalam FCA-i mematuhi undangundang, peraturan-peraturan dan had-had terkini yang ditetapkan oleh FE Notices dan arahan yang dikeluarkan oleh BNM di bawah Akta Perkhidmatan Kewangan Islam 2013 ("IFSA 2013") dan pindaannya. Sekiranya deposit Pemegang Akaun dalam FCA-i tertakluk kepada sebarang syarat-syarat/ had-had yang ditetapkan dalam FE Notices maka Pemegang Akaun adalah tertakluk dan mesti mematuhi had-had yang ditetapkan olehnya.
  - c) MBSB Bank berhak untuk melihat, meminta dan mengesahkan sebarang dokumen daripada pemegang akaun untuk memastikan ketepatan maklumat yang diberikan oleh pemegang akaun kepada MBSB Bank.
  - d) Pemegang Akaun perlu menanggung segala kerugian bagi pihak Bank untuk sebarang tindakan yang diambil oleh pihak Bank untuk memenuhi keperluan undang-undang, peraturanperaturan dan had-had yang ditetapkan dalam FE Notices.
- ii) **Pembayaran & Pengeluaran Dari FCA-i**

Semua pengeluaran atau pembayaran kepada FCA-i mesti dilakukan melalui Draf, Pemindahan Wang Secara Elektronik, Wang Pos atau dikreditkan ke dalam Akaun Ringgit Malaysia. Pengeluaran dan kemasukan wang tunai di kaunter atau mesin ATM adalah tidak dibenarkan.

- iii) Tiada buku cek akan dikeluarkan untuk Akaun tersebut. Semua pengeluaran mesti dibuat melalui arahan secara